

Grad Novi Pazar

Skupština grada

Odbornici SDA Sandžaka

Novi Pazar

18. mart 2024. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O SPROVOĐENJU ODLUKE O PRIHVATANJU PETICIJE GRAĐANA NOVOG PAZARA ZA REALIZACIJU PROJEKTA „STOMATOLOŠKA ORDINACIJA ZA OSOBE SA INVALIDITETOM“** („Službeni lista grada Novog Pazara“, broj 5/22) sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 18. mart 2024. godine.

Odbornici SDA Sandžaka u Skupštini grada

dr. Adem Đerlek

Džanan Bačićanin

Merfid Kamešničanin

Maida Baltić Spahović

Saima Brunčević

Dinheta Pulić

Kenan Kadrić

Kadir Trubljanin

Adem Pepić

Ilma Dupljak

Ovlašćeni predstavnik predlagača je odbornik dr. Adem Đerlek

PRIJEDLOG

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 18. marta 2024. godine, donosi

O D L U K U

O DOSTAVLJANJU IZVJEŠTAJA O SPROVOĐENJU ODLUKE O PRIHVATANJU PETICIJE GRAĐANA NOVOG PAZARA ZA REALIZACIJU PROJEKTA „STOMATOLOŠKA ORDINACIJA ZA OSOBE SA INVALIDITETOM“ („Službeni list grada Noovg Pazara“, broj 5/22)

Član 1.

Obavezuju se nadležni organi grada Novog Pazara, da u roku od 48 sati, odbornicima Skupštine grada dostave pisani izvještaj o preduzetim aktivnostima na realizaciji Odluke o prihvatanju peticije građana Novog Pazara za realizaciju projekta “Stomatološka ordinacija za osobe sa invaliditetom”, (“Službeni list grada Noovg Pazara“, broj 5/22).

Član 2.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 13.marta 2024. godine

PREDSJEDNIK

O B R A Z L O Ž E N J E:

Pravni osnov za donošenje ove odluke sadržan je:

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje odluke:

Skupština grada Novog Pazara na sjednici održanoj 12. septembra 2022. godine donijela je Odluku o prihvatanju peticije građana Novog Pazara za realizaciju projekta “Stomatološka ordinacija za osobe sa invaliditetom”, (“Službeni list grada Noovg Pazara“, broj 5/22). Članom 2. navedene odluke utvrđeno je da se ista ima realizovati do 31. decembra 2022. godine. Dok je članom 3. propisano “Gradonačelnik i Gradsko vijeće grada Novog Pazara preduzeće sve potrebne radnje i osigurati finansijske, tehničke, prostorne, kadrovske i druge potrebe uslove, radi obezbjeđivanja adekvatnog stomatološkog zbrinjavanja lica sa invaliditetom na teritoriji grada Novog Pazara”.

Imajući u vidu da je rok za izvršenje ove odluke gotovo istekao, dok sa druge strane nema dostupnih službenih podataka i informacija o preduzetim radnjama na realizacije predmetne odluke, neophodno je da se zbog njene društvene važnosti odbornici i javnost obavijeste o aktivnostima i mjerama koje su preduzete.

Odluke Skupštine grada su obavezujuće, shodno tome donošenje ove odluke značajno je i sa aspekta kontrole rada izvršnih organa Grada Novog Pazara a posebno kada se radi o osjetljivim društvenim pitanjima i o ispunjavanju obaveza prema najosjetljivijim društvenim grupama. Značaj donošenja ove odluke ogleda se i u tome da je skoro 5000 građana Novog Pazara svojom peticijom zahtjevalo realizaciju projekta “Stomatološka ordinacija za osobe sa invaliditetom”.

Imajući u vidu da projekat “Stomatološka ordinacija za osobe za invaliditetom” do danas nije realizovan, a da je ovo jako osjetljivo društveno i socijalno pitanje zloupotrebljavano tokom

izborne kampanje od predstavnika Sandžačke demokratske partije, neophodno je da se utvrde jasne činjenice u vezi realizacije ovog projekta.

Skupština grada ali i javnost u Novom Pazaru treba dobiti odgovor da li su predstavnici SDP-a manipulirali javnost sa tvrdnjama da će ovaj projekat biti realizovan ili je to stvarno istina.

Da bi mogli da dođemo do preciznih i tačnih podataka neophodno je da se donese ova odluka koja obavezuje da se u roku od 48 sati odbornicima dostavi izvještaj o preduzetim mjerama ka konačnoj implementaciji ovog projekta čiji smo mi inicijatori.

Svi rokovi koji su propisani odlukom Skupštine grada a koji se odnose na ovo pitanje su probijeni a projekat nije realizovan. Postavlja se pitanje čemu služe odluke Skupštine grada. Problem rješavanja stomatološkog zbrinjavanja lica sa invaliditetom ne rješava se objavama na društvenim mrežama i predizbornim lažnim obećanjima. Izbori su prošli a problem i dalje postoji.

Društvena odgovornost nalaže da se cjelokupna zajednica mobiliše oko rješavanja ovog problema a lokalna vlast biće odgovorna ukoliko ova najranjivija grupa naših sugrađana ne dobije mogućnost da u svom gradu može imati odgovarajući stomatološko zbrinjavanje.

Podnošenje izvještaja u vezi realizacije ove odluke od posebnog je značaja i zbog činjenice da se uspostavi princip odgovornosti kao i da se institucije lokalne vlasti humanizuju, oplemene i da u fokusu svog interesovanja imaju potrebe i probleme građana a ne jednokratne partijske interese.

Ukoliko je nesto realizovano izvještaj je prilika da se to predstavi međutim ukoliko ništa iz odluke Skupštine grada nije impelentirano onda oni koji obmanjuju građane moraju snositi odgovornost.

Objašnjenje pojedinačnih rješenja propisanih ovom odlukom:

Član 1: Utvrđen je predmet odluke, odnosno obaveza podnošenja izvještaj o realizaciji odluke navedene u ovom aktu te rok za njeno izvršenje.

Član 2: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna.